

Lån av kajakkar og kajakkhengar

Informasjon, ansvar og pakkeinstruksar

Utlån av ungdomskajakkar 2026



Foto: Dag S. Roland

**Kajakkhengar nummer AC 8810 (ungdomshengaren)
og UZ 5204 (Sparebanken Møre Teft-hengaren)**

**Ungdomskajakkane høver best frå ungdomstrinnet og oppover, men kan også brukast
til dei eldste/største på barneskulen (+ 12 år)**

Føreord

Friluftsrådet har tre kajakkhengingar til utlån, til to ulike målgrupper:

- 2 stk hengingar med barnekajakkar
- 2 stk hengingar med ungdomskajakkar

Frå 01.01.2023 krev Friluftsrådet sin internkontroll at lærar/instruktør som har ansvar for kajakk for mindreårige er utdanna aktivitetsleiarar i padleforbundet sin våttkortstige. I ein overgangsfase kan lånetakar som er under kvalifisering gjennom kajakk i skulen prosjektet og som har demonstrert at ein kan eigenredning og kameratredning låne kajakkane.

Lånetakar pliktar å sette seg inn i dette utlånsdokumentet og friluftsrådet sin informasjon om tryggleik: «Vegleiar til nokre faremoment med kajakk»
<https://friluftsradet.no/uploads/files/Internkontroll/Vegleiar-til-nokre-faremoment-med-kajakk.pdf>

Utlånsdokumentet er oppdatert 22.04.2026

Sunnmøre friluftsråd

Christer Lundberg Nes

Innhold

Føreord	2
Kajakkhengar	3
Bilfører sitt ansvar	3
All bruk på eige ansvar	4
Gratis lån med atterhald	4
Slitasje eller skade	4
Etterarbeid kan bli fakturert til lånetakar	4
Alminneleg orden	4
Flytevestar	5
Pakkeinstruks flytevestar	5
Instruks for å stroppe kajakkane på hengaren	6

Kajakkhengar

Det ligg 12 kajakkar på kvar sin hengar.

Utstyret er merka med fargekode for å gjere det lettare å pakke rett utstyr i rett hengar. Ungdomshengaren er grøn og Teft hengaren er blå!

Kajakkhengar nr AC 8810 «Ungdomshengaren» (grøn merke)	Kajakkhengar UZ 5204 «Tefthengaren» (Blått merke) Sparebanken Møre Teft hengaren
1 Zegul Arrow play MV 1 Zegul Arrow play HV 3 Current Design Sirocco 4 North Shore Atlantic LV (2025) 3 North Shore Atlantic MV (2025)	2 Current Design Sirocco 6 North Shore Atlantic LV (2025) 4 North Shore Atlantic MV (2025)
<i>Padlevestar:</i> 1 Regatta action explorer (30-50 kg) 6 Regatta action explorer (50-70 kg) 5 Regatta action explorer (70-90 kg) 2 Regatta action explorer (+ 90 kg)	<i>Padlevestar:</i> 1 stk Regatta 30-50 2 stk Regatta 50-70 4 Palm m.fl Small 5 Palm m.fl Medium 2 Palm m.fl XL
13 Wolverine årer 2 rumpe taske med slepeline (ca 6m) 1 kasteline 15m 2 Faste åreposer 5 Pumper 4 plastbakkar til vestane (etter storleik) 1 plastbakk til rumpe tasker, kasteline, svampar 1 tom plastbakk til disposisjon til vått utstyr 12 Spruttrekk* i ein plastbakk 26 pakkestropper til kajakkane	13 Wolverine årer 2 rumpe taske med slepeline (ca 6m) 1 kasteline 15m 2 Faste åreposer 5 Pumper 4 plastbakkar til vestane (etter storleik) 1 plastbakk til rumpe tasker, kasteline, svampar 1 tom plastbakk til disposisjon til vått utstyr 12 Spruttrekk* i ein plastbakk 26 pakkestropper til kajakkane

* Sjølv om spruttrekk følger med hengarane tilrår friluftsrådet at ein i regelen IKKJE brukar spruttrekk på nybyrjaropplæring. Spruttrekk høver best frå økt nr 2 i ein opplæringsplan der ein har gitt god opplæring og drilling med «wet exit». (Det er 8-9 YAK spruttrekk og 3-4 Outlife spruttrekk)

Neoprenkle og -sko

Friluftsrådet har kjøpt inn og har nokre våtdrakter og padlesko i assorterte storleikar. Ta kontakt for utfyllande informasjon ved ynskje om lån.

Bilførerar sitt ansvar

Det er bilførerar sitt ansvar at ein har løyve til å køyre med kajakkhengaren i kombinasjon med bilen og sitt førarkort.

Friluftsrådet tilrår at bilførerar sjekkar Statens vegvesen sin «tilhengarkalkulator» før ein hentar kajakkhengaren. Du treng registrerings nummer til bilen du skal bruke og registreringsnummeret til kajakkhengarane som er nr AC 8810 og UZ 5204

<https://www.vegvesen.no/kjoretoy/eie-og-vedlikeholde/tilhenger/tilhengerkalkulator/>

Det er bilføreren sitt ansvar og plikt å sjå over at hengaren med kajakkar er stroppa trygt og forsvarleg før ein køyrer med den på slep.

Politiet har i teknisk kontroll gitt påbod om at kvar einskild kajakk må stroppest for seg. Gjer vel og sjå utfyllande informasjon om å stroppe kajakkane.

All bruk på eige ansvar

All lån og bruk av kajakkane er etter lånetakar sitt eige ansvar. Friluftsrådet føreset at lånetakar gjer farevurdering etter eigen og gruppa si kompetanse og ferdigheiter, og praktiserer ferd etter evne. Lånetakar pliktar å sette seg inn i friluftsrådet sin informasjon om tryggleik. *(Vegleiar til nokre faremoment med kajakk)*

Gratis lån med atterhald

Slitasje eller skade

Slitasjeskade som skjer gradvis på grunn av normal bruk tek friluftsrådet sjølv kostnadane med, og prøvar å halde kajakkar og utstyr i akseptabel stand.

Dersom det oppstår skade på grunn av uforsiktig/uvorden bruk, eller at lånetakar ikkje varslar friluftsrådet om skade som er oppdaga under lånet kan friluftsrådet sende krav om erstatning til lånetakar.

Etterarbeid kan bli fakturert til lånetakar

Lånetakar pliktar å følgje pakke- og stroppeinstruks i denne informasjonen.

Dersom lånetakar ikkje følgjer pakke- og stroppeinstruksen kan friluftsrådet sende faktura på etterarbeid som er naudsynt for at instruksane vert følgt.

For etterarbeid vil friluftsrådet fakturere 850.- kr per påbegynt arbeidstime per person.

Alminneleg orden

Hjelp oss å halde orden på utstyret så det varar lengst mogleg!

Hengarane er utrusta med fargekode for å gjere det lett å halde orden og system.

Ungdomskajakkane er sett opp med grøn fargekode. Sparebanken Møre Teft Hengaren med blå fargekode. Medan barnekajakkane er sett opp med ein raud hengar og ein gul hengar. Det er også fargekode for raskare å identifisere ulike storleikar på vestane.

Det er svært viktig at alt utstyr og kajakkar vert sortert og pakke etter si fargekode og det som skal vere med i hengaren.

- Skyl ut av kajakkane med ferskvatn dersom dei er fulle av sand og småstein.
- Etter bruk nyttar de svampane til å tørke kajakkane både i sittebrønnen, men og i pakkelukene framme og bak!
- Skyl vestar i ferskvatn dersom dei er nytta i saltvatn
- Heng vestar til tørk og legg ut svampane så dei tørkar
- Lever berre tørt og reint utstyr tilbake til friluftsrådet

- I tilfelle stor etterspurnad på å få låne kajakkane kan vått utstyr som ikkje er rukke å bli tørt overleverast til neste lånetakar, under føresetnad av at den nye lånetakar tek ut og tørkar utstyret. *Utstyr må ikkje få ligge vått i hengaren!*

Eit godt tips er at ein samlar og ser over utstyret før de pakkar inn i hengarkassa:



Flytevestar

Dei aller fleste vestane har skrittstropp og friluftsrådet oppmodar lånetakar til å passe på at ungdommane nyttar desse! Skrittstroppa kan også ligge i ei lita lomme på innsida av ryggstykket, og skal festast i spenner framme på vesten når dei er i bruk.

Nokre vestar har eit belte heilt nedst. Denne er viktig å tilpasse godt og sjekke at den er i bruk på ungdom for å hindre at vesten glir oppover skuldrane når ein ligg i vatnet.

Skit og sand er vår største fiende i forhold til levetid på utstyret!

Gjer vel og ikkje legg vestane på sand, eller la dei ligge å slenge rundt på grus eller jord!

Dersom vestane har blitt brukt i saltvatn bør dei skyljast i ferskvatn og tørkast før dei blir levert tilbake. Unngå sand og skyl/vask eventuelt av dette.

Ikkje la våte vestar ligge innestengt i kassa – heng dei til tork til dei skal nyttast igjen.

Friluftsrådet har redningsvestar og nokre reserve flytevestar i ulike storleiker i tillegg til dei som følgjer med som standardutstyr til kajakkhengarane på lageret. Desse kan lånast etter avtale.

Pakkeinstruks flytevestar

Det er ynskjeleg at du organiserer vestane etter storleik i plastbakkane.

Med mange brukarar er det ei utfordring for friluftsrådet at vestar mister spenner under transport fordi dei ikkje er klipsa saman. For å unngå at vi mister fleire beltespenner ber vi om at du passar på å lukke alle spenner når de samlar saman vestane!

Pakkeinstruks:

- Samle inn alle vestane og sorter dei etter storleik.
- Lukk/klipse saman alle spenner!
- Prøv å samle vestane nokolunde etter storleik i ulike plastbakkar.
- Returner berre tørt og reint utstyr til friluftsrådet!

Instruks for å stroppe kajakkane på hengaren

Politiet har i teknisk kontroll gitt påbod om at kvar kajakk må stroppast for seg. Det er bilføraren sitt ansvar at dette er gjort.

Det er lurt å få lavt tyngdepunkt (evt 3 kajakkar på kassa) og avlaste armene på hengaren med stroppene.

Det er svært viktig at kajakkane ligg på skrå eller opp ned slik at dei ikkje kan regne fulle av vatn!

Kajakkhengaren er sett opp med to sett stropper i ulike lengder og fargekoder:

- Blå – mellom lang stropp til å feste kajakk nummer 1
- Raud – lang stropp til å feste kajakk nummer 2 og evt 3



Bildet viser bruk av blå og raude stropper. Blå stropp innerst og raude på den/dei neste kajakkane. (Bildet viser eit gammalt oppsett av «ungdomshengaren» før vi fekk kjøpt inn nokre nye NorthShore Atlantic i 2025)



Gjer vel og hugs at kajakkane som ligg på kassa må ligge så langt bak på hengaren at ein kan handtere sveiva på nasehjulet til hengaren!

Bilda viser prinsippet for å stroppe kajakkane. Legg stroppa rundt midtstanga, begge banda over kajakkane og rundt arma eller gjennom auget.



På den første/inste kajakken vil blå stropp passe godt.

Legg stroppa rundt midtstaget. Begge stroppene over kajakkane og rundt arma. Organiser stroppa slik at du får låsen litt opp på eine sida og kan stramme stroppa ved å dra nedover/mot deg.



Raud lang stropp passar godt til kajakk nr 2 og evt nr 3

Denne måten stroppe på skal brukast fordi kvar einskild kajakk er då stroppa for seg. Stroppa held kajakkane forsvarleg på plass, og i tillegg vil stroppa hjelpe til med å halde opp last/vekt på arma og dermed motverke trøttleiksbrot i konstruksjonen.

Tips:

Start med å stroppe dei øvste kajakkane først og jobb deg nedover. Det ligg ei gardintrapp i ungdomshengaren til assistanse ved behov for å kome litt opp i høgda.

Sparebanken Møre Teft hengaren har metallstige-trinn på hjulbuen.

Dersom hengaren blir levert med feil bruk av stropper som ikkje sikrar kvar einskild kajakk for seg må friluftsrådet på grunnlag av politiet sitt påbod stroppe om kajakkane. Dette arbeidet sender vi rekning for til lånetakar! Pris kr 850.- per starta arbeidstime per person, og ein bør vere to personar for å handtere kajakkane....



Foto: Dag S. Roland